



**CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА**

IZVJEŠTAJ O MONITORINGU RADA

OPĆINSKOG VIJEĆA ZAVIDOVIĆI

1.1.2021. –30.6.2021.

Cilj projekta jeste da kroz monitoring institucija vlasti da objektivnu sliku stanja unutar određene lokalne samouprave, odnosno prikaže efektivnost rada, te omogući javni dijalog i mehanizme participacije javnosti (primarno mladih) u donošenju odluka na lokalnom nivou.

Metodologija monitoringa rada jedinica lokalne samouprave, gradova i općina u Bosni i Hercegovini, odnosno u pripadajućim entitetima, daje pregled izvora podataka i načina njihovog prikupljanja, kao i njihove obrade, te daje pregled posmatranih i analiziranih parametara.

Prikupljanje potrebnih podataka o radu institucija jedinica lokalne samouprave odvija se kontinuirano, od početka aktuelnog mandata, za prvih šest mjeseci.

Podaci o radu institucija vlasti prikupljaju se na dva načina. Kroz zvanična dokumenta, preuzimanje podataka iz javno dostupnih dokumenata (kap što je budžet, izvještaj o radu i sl.), te slanjem ZOSPI (Zakon o slobodi pristupa informacijama) obrazaca. Ali i neposrednim praćenjem sjednica lokalnih parlamenata. Prikupljeni podaci će se u kontinuitetu unositi u predviđenu on line bazu.

OPĆINSKO VIJEĆE TREBA DA RAZMATRA MJERE OD SUŠTINSKOG ZNAČAJA ZA GRAĐANE, ALI I DA POŠTUJE VLASTITE PROPISE

SAŽETAK IZVJEŠTAJA

Kako bi dobili jasan pregled sadržaja monitoring izvještaja, u posebnom poglavlju kreira se sažetak izvještaja. Sažetak izvještaja o monitoringu rada institucija lokalne samouprave kreira se na osnovu kreiranih poglavlja u samom izvještaju, te korištenjem ključnih nalaza iz datih poglavlja, kako bi se dao objektivan prikaz najvažnijih dešavanja u posmatranom periodu.

OPĆINSKO VIJEĆE JE KONSTITUISANO U ZA TO PROPISANOM ROKU. Općinsko vijeće Zavidovići je konstituisano 30.12.2020.g., što je u skladu sa rokovima koje propisuje Poslovnik o radu Općinskog vijeća (Članak 19.- Službeni glasnik općine broj 7/14), u roku od 30 dana nakon potvrđenih izbornih rezultata od strane Centralne izborne komisije BiH.

DEVET POLITIČKIH SUBJEKATA VOLJOM GRAĐANA PARTICIPIRA U OPĆINSKOM VIJEĆU.

Na lokalnim izborima održanim 2020.godine u Općinsko vijeće Zavidovići izabrano je 29 vijećnika. Socijaldemokratska partija BiH (SDP) osvojila je 7 mandata, Stranka demokratske akcije (SDA) 6 mandata, Nezavisna bosanskohercegovačka lista 5 mandata, Stranka demokratske aktivnosti (A-SDA) 3 mandata, SBB Fahrudin Radončić 2 mandata, Stanka za Bosnu i Hercegovinu 2 mandata, Građanska demokratska stranka BIH 2 mandata, Pokret demokratske akcije (PDA) 1 mandat i Stranka penzionera/umirovljenika 1 mandat. U odnosu na prošli mandat (2016.-2020.) vodeća politička partija SDA je izgubila pet mandata, dok je SDP zadržao isti broj mandata kao i na prošlim izborima, sedam.

NOVOIZABRANI GRADONAČELNIK PREUZEIO MANDAT BEZ PREDSTAVLJENOG EKSPOZEJA JAVNOSTI.

Iako ekspoze ne predstavlja zakonsku obavezu, statutarnu ili poslovničku, zbog visokog stepena odgovornosti koja podrazumijeva funkcija načelnika, kao i činjenice da je načelnik bio izabran i u prošlom mandatu, ekspoze je potrebno predstaviti javnosti, građanima općenito, kako bi se upoznali

sa pravicima djelovanja i ciljevima u predstojećem mandatu načelnika. Načelnik Hašim Mujanović preuzeo je mandat bez predstavljanja ekspozice, tako da ova demokratska praksa nije ispoštovana.

KONTINUITET NEPOŠTIVANJA PROPISANIH OBAVEZA U LOKALNIM PARLAMENTIMA ŠIROM BOSNE I HERCEGOVINE, POSTAJE PRAVILO, A NE IZUZETAK.

Godišnji program rada Općinskog vijeća je jedan od ključnih dokumenata kojim se definiraju smjernice za njegov rad i potiče učinkovitost, mjerljivost i transparentnost tog rada. Poslovníkom o radu Općinskog vijeća Zavidovići nije definisan tačan rok za usvajanje godišnjeg Programa rada, a donosi se na temelju Člana 54. Poslovníka o radu OV.

Program rada Općinskog vijeća Zavidovići za 2021.godinu usvojen je na 2. sjednici Općinskog vijeća održanoj 26. februara 2021.godine. Programom rada planirano je realizirati 101 mjeru u 2021.g., što je vrlo ambiciozan plan. U prvoj polovini godine OV je bilo efikasno i razmatralo sve mjere iz Programa rada planiranih za ovaj period.

Na trećoj sjednici OV, održanoj 11.05.2021, prezentovan Program rada načelnika općine za 2021.godinu. Zbog problema izazvanih pandemijom korona virusa na trećoj sjednici OV je donijelo dopunu Poslovníka o radu OV u kojem se definira kada se OV može sastati u slučaju pandemije, epidemije isl.

BUDŽET ZA 2021.GODINU PROGLASIO NAČELNIK OPĆINE

Budžet općine Zavidovići po prvi put je proglasio načelnik općine u zakonskom roku, na dan 01.04.2021.godine. Iako je na drugoj sjednici OV, održanoj 25.01.2021., usvojen Nacrt Budžeta za 2021.godinu OV nije zasjedalo tokom pandemije sve do kraja maja. Zbog problema izazvanih pandemijom korona virusa na trećoj sjednici OV je donijelo dopunu Poslovníka o radu OV u kojem se definira kada se OV može sastati u slučaju pandemije, epidemije isl., tako da su se otklonile prepreke za budući rad u vanrednim okolnostima, epidemija ili pandemije.

PLANIRANI BUDŽET ZA 2021.g. JE SKORO IDENTIČAN U ODNOSU NA PRETHODNU GODINU

Budžet je usvojen u iznosu od 12.361.399,00 KM i u odnosu na 2020.godinu je gotovo identičan. Za općinu Zavidoviće karakteristično da se za plaće i naknade za zaposlene potroši oko 25% Budžeta, što je u odnosu na druge općine i gradove velika ušteda budžeta. Analizirajući budžete u posljednjih nekoliko godina nastavljen je kontinuitet jednakih primitaka i izdataka na godišnjem nivou. Iako je budžet usvajan u vrijeme pandemije nije došlo do smanjenja prihoda. Kapitalni izdaci su ove godine vrlo malo umanjeni. Tekući transferi za MZ planirani su umanjeni u odnosu na prošlu godinu i u ovoj godini je planirano 60.000 KM, što je zaista skromno i nedovoljno za rad MZ, a za podršku projektima u MZ –a planirano je 10.000 KM. Transfer za stipendije prema ministarstvima za boračka pitanja i obrazovanje je planiran u iznosu od 370.000 KM.

U DOSADAŠNJEM RADU OV NAPRAVLJENI SU POMACI ZA UNAPREĐENJE KVALITETE ŽIVOTA GRAĐANA.


Što se tiče realizacije mjera iz Programa rada OV za 2021.godinu u prvoj polovini godine u ovom mandatu Općinsko vijeće je bilo efikasno i usvojilo sve planirane mjere. Od značajnijih mjera koje je vijeće usvojilo u ovom periodu istaknuli bi: Program rada OV za 2021.godinu, kao i Program rada načelnika –primilo k znanju, Prijedlog plana kapitalnih investicija Općine Zavidovići za period 2021.-2025., Akcioni plan implementacije Strategije integriranog razvoja Općine Zavidovići za period 2017.-2026. za 2021 godinu, Plan i program rekonstrukcije i održavanja lokalnih cesta za 2021.g, više izvještaja idr. Izostale su mjere koje se bave ključnim pitanjima mladih ljudi u Zavidovićima.

NASTAVLJENA JE SLIČNA DINAMIKA RADA OV KAO U PROŠLOM SAZIVU.

Ako usporedimo rad aktualnog Općinskog vijeća sa radom u prvih šest mjeseci prethodnog mandata vidljivo je da je u periodu prošlog mandata 2016.-2020. prvih šest sjednica održano do kraja marta mjeseca 2017., dok je za prvih šest mjeseci održano ukupno 9 sjednica. Prijedlog Budžeta i Program rada OV za 2017.g su razmatrani i usvojeni do kraja 2016.godine, što je u skladu sa zakonom i poslovnikom o radu OV. Sjednice OV su trajale u prosjeku 6 sati po sjednici, rasprave su bile duge i iscrpljujuće, a u prosjeku razmatrano je oko 20 tačaka dnevnog reda po sjednici.

SASTAV OPĆINSKOG VIJEĆA ZAVIDOVIĆI

Na lokalnim izborima održanim 2020.godine u Općinsko vijeće Zavidovići izabrano je 29 vijećnika. Socijaldemokratska partija BiH (SDP) osvojila je 7 mandata, Stranka demokratske akcije (SDA) 6 mandata, Nezavisna bosanskohercegovačka lista 5 mandata, Stranka demokratske aktivnosti (A-SDA) 3 mandata, SBB Fahrudin Radončić 2 mandata, Stanka za Bosnu i Hercegovinu 2 mandata, Građanska demokratska stranka BiH 2 mandata, Pokret demokratske akcije (PDA) 1 mandat i Stranka penzionera/umirovljenika 1 mandat.



Grafikon 1: Sastav OV Zavidovići-broj mandata političkih subjekata

Na konstituirajućoj sjednici mandat nisu prihvatili Mirnes Burkić ispred Stranke demokratske akcije (SDA) čiji mandat je pripao vijećniku Alminu Dohranoviću kao i Horozović Azem ispred Stranke za bolju budućnost (SBB) čiji mandat je pripao Ramizu Latifoviću. Mandate su preuzeli na prvoj redovnoj sjednici Općinskog vijeća održanoj 25.01.2021.godine.

Sredinom juna mjeseca vijećnici Admir Mujkić -GDS , Admir Fojnica –SBB i Samir Skejić-NBL su obavijestili OV da napuštaju svoje klubove i u narednom periodu će nastupati kao samostalni vijećnici.

Deset od 29 vijećnika/ca, tj. 34,5% ima ranije iskustvo u obnašanju ove odgovorne funkcije.


R.br.	Vijećnik/ca	Stranka	Početak mandata	Mandat u Vijeću
1	Haris Hodžić	SDP BiH	15.12.2020.	1
2	Igor Šimšić	SDP BiH	15.12.2020.	2
3	Hamdo Džinić	SDP BiH	15.12.2020.	1
4	Adi Mahovac	SDP BiH	15.12.2020.	1
5	Šemsudin Skejić	SDP BiH	15.12.2020.	1
6	Ferid Kaknjašević	SDP BiH	15.12.2020.	2
7	Maja Bajramović	SDP BiH	15.12.2020.	1
8	Erna Merdić Smailhodžić	SDA	15.12.2020.	1
9	Almin Dohranović	SDA	9.1.2021.	1
10	Šefik Jusić	SDA	15.12.2020.	1
11	Hakija Osmić	SDA	15.12.2020.	3
12	Rasim Mujkić	SDA	15.12.2020.	1
13	Hakija Bošnjaković	SDA	15.12.2020.	3
14	Armin Imamović	Nezavisna bosanskohercegovačka lista	15.12.2020.	1
15	Haris Mujanović	Nezavisna bosanskohercegovačka lista	15.12.2020.	1
16	Samir Skejić*	Nezavisna bosanskohercegovačka lista	15.12.2020.	1
17	Emir Mujić	Nezavisna bosanskohercegovačka lista	15.12.2020.	1
18	Refik Ćatić	Nezavisna bosanskohercegovačka lista	15.12.2020.	2?

19	Ajdin Polić	A-SDA	15.12.2020.	1
20	Amer Avdičević	A-SDA	15.12.2020.	2
21	Demir Buljubašić	A-SDA	15.12.2020.	1
22	Ramiz Latifović	SBB	9.1.2021.	3
23	Šemso Fehrić	SBB	15.12.2020.	1
24	Admir Fojnica*	Stranka za BiH	15.12.2020.	1
25	Fehim Tuzlić	Stranka za BiH	15.12.2020.	2
26	Zahid Avdičević	GDS BiH	15.12.2020.	3
27	Admir Mujkić*	GDS BiH	15.12.2020.	1
28	Mirsad Bečić	PDA	15.12.2020.	1
29	Asim Sinanović	Stranka penzionera/umirovljenika BiH	15.12.2020.	2?

Tabela 1: Sastav Općinskog vijeća Zavidovići

*Vijećnici koji su sredinom juna napustili svoje Klubove i postali samostalni vijećnici

Od 29 vijećnika/ca Općinskog vijeća Zavidovići 2 su žene ili 6,9 %.




Grafikon 2: Spolna struktura OV Zavidovići

OSNOVNE INFORMACIJE O RADU OPĆINSKOG VIJEĆA – dinamika rada

Od 1.1. do 30.6. 2021. godine Općinsko vijeće Zavidovići održalo je sedam sjednica, jednu konstituirajuću i šest redovnih sjednica. (Grafikon 3)

Konstituirajuća sjednica je održana 30.12.2020.



Grafikon 3

Sjednice su održavane u prosjeku jednom mjesečno, ali zbog pandemije u martu i aprilu nije bilo sjednica OV.

U promatranom razdoblju Općinsko vijeće Zavidovića je zasjedalo ukupno 43 sati i 50 minuta što u projektu predstavlja nešto više od 6 sati po održanoj sjednici. Sjednice su održavane u kontinuitetu, sa pauzama tokom zasjedanja. Najkraće vremena vijećnici su se zadržali na konstituirajućoj sjednici.

Datum	Redn i broj sjednice	Tip sjednice	Plan. točaka	Realiziran o točaka	Razmatrano mjera	Usvojen o mjera	Trajanje sjednice
30.12. 2020	0	konstituirajuća	6	6	6	6	03:40
25.1.2021	1	redovna	27	27	27	27	05:50
26.2.2021	2	redovna	26	26	26	26	06:35
11.5.2021	3	redovna	13	13	12	10	07:30

27.5.2021	4	redovna	17	17	15	13	12.15
31.5.2021	5	redovna	21	21	18	17	04.45
30.6.2021	6	redovna	17	17	16	11	04.15
Ukupno			127	127	120	110	43.50

Tabela 1: Pregled osnovnih statističkih podataka o održanim sjednicama Općinskog vijeća Zavidovići u razdoblju 1.1. - 30.6. 2021.godine

Na održanim sjednicama u proteklom periodu razmatrano je 120 mjera od čega su usvojeno 110 mjera. Prosječno je razmatrano 17 mjera, a usvojeno 15 mjera po sjednici.

Uočavamo da je najviše mjera razmatrano i usvojeno na petoj redovnoj sjednici .

Nakon konstituirajuće sjednice, održane krajem 2020.godine, na kojoj su izabrani predsjedavajući OV i zamjenik, Kolegij OV i Komisije, na prvoj sjednici OV usvojen je Nacrt Budžeta za 2021.godinu i upućen na Javnu raspravu. Na drugoj sjednici, održanoj krajem februara, usvojen je Program rada OV za 2021.godinu, dok je na trećoj sjednici prezentovan Program rada načelnika općine za 2021.godinu. Zbog problema izazvanih pandemijom korona virusa na trećoj sjednici OV je donijelo dopunu Poslovnika o radu OV u kojem se definira kada se OV može sastati u slučaju pandemije, epidemije isl. Četvrta i peta sjednica su bile posvećene usvajanju Izvještaja o radu JP i ustanova za 2020.godinu, kao i izradi regulacionih planova za pojedina naselja u Zavidovićima. Na šestoj redovnoj sjednici razmatran je izvještaj o izvršenju Budžeta za 2020.godinu, kao i izvještaj o izvršenju Budžeta za prva tri mjeseca 2021.godine.

Tipovi mjera	Relizirano
Rješenje	9
Izvještaji	21
Odluka	54
Program	3
Budžet	2
Inicijativa	4
Akcioni Plan	1
Rješenja, rezulucija, ostalo	14
UKUPNO	110

Tabela 3: Realizacija mjera u periodu 1.1.-30.6.2021.godine

Kako bi unaprijedili, između ostalog i kvalitetu života u zajednici, vijećnici u skladu sa Poslovníkom o radu Općinskog vijeća, mogu postavljati vijećnička pitanja i predlagati inicijative. Na pet redovnih sjednica OV vijećnici su postavili 35 pitanja i podnijeli 25 inicijativa.

KLJUČNI DOKUMENTI ZA FUNKCIONIRANJE LOKALNE VLASTI

Za uspješno planiranje, provođenje i praćenje politika na svim nivoima vlasti potrebno je blagovremeno pristupiti izradi i usvajanju ključnih dokumenata. Pri tomu je vrlo bitno pratiti zakonodavnu proceduru te dokumente prilagoditi objektivnim mogućnostima kako bi isti bili realizirani u realnim rokovima. Dokumenti ključni za funkcionalan i nesmetan rad institucija svih nivoa vlasti pa samim time i lokalne su Program rada i Budžet za tekuću godinu. Isti moraju biti usvojeni u skladu sa poslovnikom o radu jedinice lokalne samouprave i zakonima koji tretiraju određenu oblast.

Kako bi jedinica lokalne samouprave težila poboljšanju kvalitete života svojih građana vrlo je važno da veliku pozornost obraća i strateškim dokumentima iz svoje nadležnosti. Tu spadaju Strategije i Akcioni planovi koji potiču daljnji razvoj određenih oblasti te utvrđuju prioritete u ekonomskim, društvenim i drugim oblastima. Strategije su alat za upravljanje razvojem jer predstavljaju temelj za donošenje odluka i osiguranje potrebnih resursa za provođenje mjera iz oblasti javnih investicija tj. ekonomskog, socijalnog razvoja.

Akcionim planom se definiraju mjere, programi, projekti i aktivnosti u implementaciji strateških dokumenata, njihov financijski okvir i izvori financiranja. Uloga Akcionog plana je između ostalog i sinergija utvrđenih prioriteta sa godišnjim programom rada i proračunom.

PROGRAM RADA OPĆINSKOG VIJEĆA ZAVIDOVIĆI –usvajanje i realizacija

Godišnji program rada Općinskog vijeća je jedan od ključnih dokumenata kojim se definiraju smjernice za njegov rad i potiče učinkovitost, mjerljivost i transparentnost tog rada. Poslovníkom o radu Općinskog vijeća Zavidovići nije definisan tačan rok za usvajanje godišnjeg Programa rada, a donosi se na temelju Člana 54. Poslovnika o radu OV.

Program rada Općinskog vijeća Zavidovići za 2021.godinu usvojen je na 2. sjednici Općinskog vijeća održanoj 26. februara 2021.godine. Programom rada planirano je 101 mjera od čega su 60 odluka, izvještaja 29, Planova i programa 9, informacija 6 i 5 ostalih mjera. Dinamika realizacije mjera iz Programa podijeljena je u tri cjeline, Januar-april, Maj-juli i Septembar-decembar.

Za većinu mjera predlagači su općinski načelnik i nadležne općinske Službe.

Mjere – tipovi	Programske mjere /broj
Izvještaj	29
Odluka	60
Informacije	6
Plan i program	9

Ostale mjere	5
Ukupno:	101

Tabela 4: Broj i struktura planiranih programskih mjera

Što se tiče realizacije mjera iz Programa rada OV za 2021.godinu u prvoj polovini godine u ovom mandatu Općinsko vijeće je bilo efikasno i usvojilo sve planirane mjere. Od značajnijih mjera koje je vijeće usvojilo u ovom periodu istaknuli bi : Program rada OV za 2021.godinu, kao i Program rada načelnika –primilo k znanju, Prijedlog plana kapitalnih investicija Općine Zavidovići za period 2021.-2025., Akcioni plan implementacije Strategije integriranog razvoja Općine Zavidovići za period 2017.-2026. za 2021 godinu, Plan i program rekonstrukcije i održavanja lokalnih cesta za 2021.g , više izvještaja idr. Općinsko vijeće nije usvojilo Budžet za 2021.godinu, iz razloga što u Poslovniku o radu nije predviđen način rada u uslovima epidemije, nego je općinski načelnik proglasio Budžet za 2021.godinu 01.04.2021.

TROŠENJE JAVNOG NOVCA - OSVRT NA BUDŽET ZA 2021.G

Budžet općine Zavidovići po prvi put je proglasio načelnik općine u zakonskom roku, na dan 01.04.2021.godine. Iako je na drugoj sjednici OV , održanoj 25.01.2021., usvojen Nacrt Budžeta za 2021.godinu. OV nije zasjedalo tokom pandemije sve do kraja maja, te nije donesen Budžet za 2021.godinu u zakonskom roku. Zbog problema izazvanih pandemijom korona virusa na trećoj sjednici OV je donijelo dopunu Poslovnika o radu OV u kojem se definira kada se OV može sastati u slučaju pandemije, epidemije isl. , tako da su se otklonile prepreke za budući rad u vanrednim okolnostima, epidemija ili pandemije.

Budžet je usvojen u iznosu od 12.361.399,00 KM i u odnosu na 2020.godinu je gotovo identičan.

Vrsta prihoda	Iznos (KM)
Prihodi od poreza	5.750.899,00
Neoporezivi prihodi	2.150.500,00
Porez na dohodak	1.091.500,00
Prihodi od indirektnih poreza	4.031.949,00
Višak prihoda iz 2020.	500.000
Primljeni tekući transferi od vlada, međ.organizacija, .	1.945.000,00
Ukupno prihoda	12.361.399,00

Tabela 5: Vrste prihoda i iznosi –izvod iz budžeta

Vrste rashoda	Iznos (KM)
Bruto plaće i naknade plaća	2.730.344,45
Naknade troškova zaposlenih	380.000,00
Izdaci za materijal, sitni inventar i usluge	1.987.023,44
Kapitalni izdaci	2.957.602,00
Izdaci za ugovorene i druge usluge	758.600,00
Tekući transferi	3.851.950,00
Tekuće rezerve	50.000,00
Ukupni rashodi	12.361.399,00

Tabela 5: Vrste rashoda i iznosi –izvod iz budžeta

Za općinu Zavidoviće karakteristično da se za plaće i naknade za zaposlene potroši oko 25% Budžeta , što je u odnosu na druge općine i gradove velika ušteda budžeta. Analizirajući budžete u posljednjih nekoliko godina nastavljen je kontinuitet jednakih primitaka i izdataka na godišnjem nivou. Iako je budžet usvajan u vrijeme pandemije nije došlo do smanjenja prihoda. Kapitalni izdaci su ove godine vrlo malo umanjeni. Tekući transferi za MZ planirani su umanjeni u odnosu na prošlu godinu i u ovoj godini je planirano 60.000 KM , što je zaista skromno i nedovoljno za rad MZ, a za podršku projektima u MZ –a planirano je 10.000 KM. Transfer za stipendije prema ministarstvima za boračka pitanja i obrazovanje je planiran u iznosu od 370.000 KM.

HORIZONTALNA USPOREDBA

Kako bi dali usporedni prikaz teritorijalno administrativnih jedinica lokalne samouprave, sličnih po obimu i strukturi, broju stanovnika i proračunu, prikazaćemo uporedne rezultate rada Općina Maglaj i Žepče.

Iznos i struktura Budžeta ove dvije lokalne samouprave su vrlo slični, s tim što je planirani Budžet Zavidoviće veći za 3 do 4 miliona KM, procenti za plaće i naknade su vrlo slični, transferi neprofitnim organizacijama su brojčano vrlo veliki. Kontinuitet održavanja sjednica OV je sličan, održane su pet sjednica i u ovim lokalnim samoupravama, ali je za Zavidoviće karakteristično da su sjednice i vrijeme trajanja rasprava puno duže trajali , gotovo iscrpljujuće za neke vijećnike, o čemu treba voditi računa u narednom periodu.

USPOREDBA S PRETHODNIM MANDATOM

Ako usporedimo rad aktualnog Općinskog vijeća sa radom u prvih šest mjeseci prethodnog mandata vidljivo je da je u periodu prošlog mandata 2016.-2020. prvih šest sjednica održano do kraja marta

mjeseca 2017., dok je za prvih šest mjeseci održano ukupno 9 sjednica. Prijedlog Budžeta i Program rada OV za 2017.g su razmatrani i usvojeni do kraja 2016.godine, što je u skladu sa zakonom i poslovnikom o radu OV. Za oba mandata je karakteristično da u OV participira veći broj političkih subjekata, u prošlom mandatu osam, a u ovom mandatu devet. U ovom mandatu SDA je izgubila pet mandata, sa 11 na 6, dok je SDP ostala na istom broju 7. Mandata u oba saziva.

UČEŠĆE GRAĐANA I JAVNE RASPRAVE

Učešće građana kroz javno dostupne i definirane mehanizme učešća su potrebni kako bi građani kroz javne rasprave koje organizuje lokalna samouprava imali prigodu sudjelovati u kreiranju povoljnog životnog okruženja.

U promatranom razdoblju je održane su tri javne rasprave koje su najavljivane putem zvanične web stranice općine. Prva Javna rasprava bila je u februaru, (09. I 10.02) po Nacrtu Budžeta za 2021.g. Druge dvije javne rasprave su održane na temelju Zaključaka sa 2. Redovne sjednice OV, a provedene su 16. I 26. marta. Teme rasprava su bile po Nacrtu odluke o usvajanju planova potencijalnih projekata javno-privatnog partnerstva i Nacrt Odluke usvajanju Stretegije održive urbane mobilnosti općine. U maju je objavljen Javni poziv za dodjelu općinskih podsticaja za transfer razvoja poljoprivrede, koji je planiran u Budžetu za 2021.g.

PREPORUKE I INICIJATIVE

Poslovnikom o radu Općinskog vijeća Gvu nije definiran rok za usvajanje godišnjeg Programa rada, tako da bi jedna od preporuka bila da se donesu izmjene i dopune Poslovniku o radu OV i definiira okvirni rok za usvajanje, do kraja tekuće godine za narednu godinu.

Programa rada Općinskog vijeća za 2021.godinu ne sadržava mjere koje se bave pitanjima mladih. S obzirom da su CCI uputili Inicijativu za izradu dokumenta koji će se baviti ključnim pitanjima mladih u oblasti kulture, naša preporuka bi bila da se u narednoj godini u Programu rada uvrste aktivnosti i mjere za aktivnije učešće mladih u donošenju odluka kao i unapređenju načina i metoda komunikacije sa mladim ljudima u Zavidovićima.

Iako web stranica općine sadrži dovoljno informacija o radu OV preporuka je da se ubuduće informacije i zaključci sa sjednica OV objavljuju pomoću drugih kanala, putem društvenih mreža, kako bi mladi ljudi, koji uglavnom ne posjećuju zvanične web stranice, dobili informacije i na taj način, aktivirali dvosmjernu komunikaciju i mogućnost komentara, prijedloga i sugestija o zaključcima OV.

Planiranje i donošenje Budžeta za 2022.trebalo bi okončati do kraja tekuće godine i nastaviti praksu usvajanja budžeta na temelju zakona. Programom rada OV za 2021.planirano je da se Budžet za 2022.g. usvoji u decembru, tako da je preporuka da se planirana dinamika usvajanja najvažnijeg akta lokalne samouprave u potpunosti poštuje.

Što se tiče dužine trajanja sjednica i rasprava na sjednicama, preporuka je da se na Kolegiju postigne konsenzus oko najvažnijih tačaka dnevnog reda i mjera, kako bi sjednice bile efikasnije, kraće trajale, a rasprave se vodile u skladu sa poslovnikom o radu.